

同安縣志

卷三大事記
卷七建築

卷四山川

卷五水利

卷六城市

同安縣志卷之三

大事記

春秋非常必書言非常卽大事也歷代史家於寒暑灾侵兵戈疾疫之變日星風雨霜雹雷霆之異靡不愼而書之非徒史氏之法乃所以求合於聖人之經也同邑爲海疆要地歷史每有興革紀載不厭求詳明末鄭成功以金厦而抗全師兵災之慘亙古未聞清道光中葉英夷以鴉片輸入浸啟戰端爲全國積弱所自始其禍至今甚於洪水猛獸乃我國四千餘年未有之變局正所謂非常必書也因志大事以沿革爲首兵警鴉片次之而以災祥附焉

於考證茲特仿顧棟高春秋大事表之例

按大事記撮舉大綱限於例也然每略而不詳慮年遠難

沿革

吳 永安三年增置東安縣

晉 太康三年分晉安爲同安縣

唐 貞元十九年置大同場

南唐 長興三年王延鈞以大同場州置同安縣

按長興爲後唐明宗時元文獻通考稱南唐候考

晉開運元年留從效殺泉州刺史黃紹頗汀州刺史同安許文縝舉郡降

宋 建炎 年設通判軍州事

紹興二十八年主簿朱熹纂修大同集

爲縣志
所自始

景炎元年十一月元兵入福州益王是航海駐蹕北門外復渡海至嘉禾輿

慶元 年添差通判軍州事

明成化戊戌年陳舒纂修大同志

正德丙寅年劉節重刻大同集纂修同安縣志

隆慶戊辰年鄧一相續修同安縣志

萬歷壬子年李春開續修同安縣志

清康熙癸巳年朱奇珍續修同安縣志

雍正五年二月加福興泉永道巡海道移駐廈門

乾隆三十二年陶元藻續修同安縣志 四十一年泉州府屬通判移駐同安縣

馬家巷

嘉慶三年吳堂續修同安縣志

兵警

唐僖宗乾符元年王潮引兵拔泉州縣屬之

光啟 年黃巢亂金紫光祿大夫劉日新追之於大同場

南唐開運二年南唐克建州王延政降三年以留從效爲泉州刺史縣屬之

宋紹興二十七年夏有警主簿朱熹與監稅曹沅完守卻之考舊志云時賊窺西北城熹等繕守備而置射

圍賊不能逼尋潰去

景炎元年冬張世傑駐師嘉禾與考通鑑云是年五月益王卽位福州元兵逼世傑陳宜中等備海舟奉帝及衛之航海入泉州

港招撫使蒲壽庚閉城叛降元帝遂至嘉禾與登五通由大膽出港赴潮州

元至正五年嘉禾千戶何迪立叛考漳州府志蔡淳傳迪立與土賊萬貴寇漳泉陸長泰漳州路高指揮薦長泰人蔡淳與兵三千夾

擊悉平之十年賊掠海濱監郡僕玉立俘其魁 十四年安溪山賊李大陷同安 十

六年李大復攻城監邑馬哈謀沙拒卻之 十七年伊守禮叛攻同安馬哈謀沙

戰走之考舊志守禮與萬戶賽甫丁叛據泉州遣其黨十餘人入同脅謀沙與俱謀沙盡殺之守禮率驍勇千餘來攻謀沙戰走之

明正統十三年正月沙尤賊入積善里里人劉雄率義兵拒戰死之 十四年沙尤

寇陳敬德陷同安邑人葉秉乾率義兵進戰寇敗走 海寇張秉彝攻中左高浦

二所乘乾督義師拒戰死考明史忠義傳秉乾同安人曾出稻二千石以賑貧民賜敕旌義復其家沙尤羅興甫作亂請於官督民壯殲

之山賊陳敬德攻同安募義兵從主簿蔡遜擊走之海賊張秉彝駕海船二百餘圍中左千戶所率義兵戰卻之賊退走高浦秉乾力戰死

嘉靖三年汀漳盜起知同安縣周惟會追至鷄母岫賊奔德化 二十四年海寇掠

中左所 二十六年安溪洞賊陳日輝掠同安分巡僉事余燠追擊平之考舊志

衆據安溪覆鼎山大小尖白葉坂諸峒不時出掠至是徑迫同安郭外劫 佛郎機

質男女挾贖屯二十里外弗去燠巡縣聞賊發兵追擊親搗其穴平之

番船泊浯嶼巡海副使柯喬發兵攻之不克考漳州府志是時漳泉賈人輒往貿易

朱統厲禁獲通販者九十餘人柯喬 二十七年都指揮盧鏜大敗賊於浯嶼 六

月賊衝大擔外嶼柯喬禦之嚴賊遁退考浙江倭變記賊首李七引倭屯浙江雙

嶼鏜及閩副使魏一恭指揮劉恩與港官兵破之犁其巢餘黨遁入閩之浯

至張羅張漢等復大敗之賊始退 海寇玩其寶掠小豎知府程秀民遣兵討平之

考舊志其寶與林翦毛等久爲海濱患四月其寶大掠小豎死與被執者二百餘

人小豎遂墟五月秀民合戰艦遣南安丞馬一洪指揮孫廷槐進剿戰於小豎南

岸斬獲三千人賊退保草嶼與 三十三年倭泊浯嶼掠同安 三十七年倭泊浯

嶼火其寨 五月倭攻縣城知縣徐宗爽拒卻之 三十八年夏倭攻城指揮白

震同知李時芳教官吳金固守城藉以完五月倭掠大豎 新倭自浙至浯嶼焚

掠 三十九年三月倭大掠浯洲知縣譚維鼎率民兵卻之 參將王麟把總鄧

一貴追擊倭寇於鼓浪嶼及刺嶼尾大敗之 冬十月倭掠縣東濱海 四十年

正月倭掠同安民兵戰走之 夏六月倭黨馬三岱掠東界維鼎率民兵敗寇於

三魁出米巖下 十二月倭寇同安攻南城維鼎戰卻之 考舊志是年諸賊出沒

鼎自夏迄秋斬賊張良朋土賊葉子溢葉宗愛撫賊首蘇任賢林三顯鰲山黃

大壯等三顯復謀破賊黨楊三仔自殺鰲山大壯謀叛事覺伏誅并斬其黨吳用

聘鄭大果王子琪等境內底平獨招三岱驍絕負固懷之不至維鼎聞三岱之母

與妻不義所為乃致而厚款之使招三岱驍絕負固懷之十月鄉兵病疫原屯晉南

倭以乘虛集衆二萬入寇於是三岱旦日適降而賊暑攻三南關衆病疫原屯晉南

部戰甚力賊駭退復攻石潭諸生李聖機結社嚴守仍遣三岱赴援賊驚退維鼎

多方剿捕擒倭新三俘老四十一 隆慶三年四月倭入同安指揮張奇峯盡擒其黨泉州各縣俱平

天啟二年紅毛夷犯中左所逼圭嶼 冬十月福建總兵官徐一鳴率兵駐中左所

剿紅夷 三年紅夷復入中左所 秋紅夷犯鼓浪嶼 冬十月福建總兵官謝

隆儀大破紅夷於浯嶼 六年春海寇鄭芝龍犯廈門督師俞咨臯出戰弗克芝

龍入據之 按廈門志六年七月今考臺灣通史謂芝龍六年泊於漳州之白鎮與

此乃六年事也與舊志合今從之 崇禎元年春芝龍由中左所攻銅山 秋七月芝龍降於巡撫文燦 二年夏四月

寇夜薄中左所芝龍與戰不利 海寇李魁奇陷後浦城陷死百餘大掠 三年紅毛犯中左所游擊鄭芝龍焚走之 六年紅毛突入中左所巡撫鄭維璉擊走之

唐王聿鍵隆武二年二月明兵部徐孚遠至廈門清帥吳六奇匿之完髮死 十二月鄭成功會明文武舊僚於烈嶼設高皇帝位定盟恢復以明年丁亥爲隆武三年

清順治元年鄭彩鄭聯據金廈二島 四年明鄭成功帥師勤王泊舟鼓浪嶼 八月成功自島與鴻達帥師攻泉州 五年戊子三月成功據同安 八月修國器陳錦李率泰率清兵至取同安明守將邱綰林壯猷死之廿六日李率泰屠同安縣 六年秋成功并聯彩軍遂據金廈 七年閩撫張學聖提督馬得功潛師襲成功攫其家貲而還 八年春提督馬得功破廈門成功還復據之 十一月提督楊名高與成功戰於小盈嶺不克 九年總督陳錦駐同安攻廈島不克而還

明監國魯王至廈門 七月丙子鄭成功奉明永歷正朔清閩浙總督陳錦統領將士將平之至同安灌口爲家人刺死 十年五月固山金礪與成功大戰於

廈門不克 九月諭鄭成功效順許漳潮惠泉四州駐紮屯兵成功不從 十一

月遣芝龍招撫成功拒命 十二月成功據同安 十一年十二月成功取漳州

復圍泉州至興化巡撫佟國器調潮州水師直抵廈門與閩師首尾夾擊之 十

二年六月墮同安城 考舊志世子王大兵入閩成功度勢不守毀 十三年正月大

兵取同安 陳霸附和成功據泗洲劫掠 十四年正月成功復取同安參將楊

啟智降 考十一朝東華錄時朝旨派梅勒章京覺羅阿克善率師平閩偵成功軍

部察叙至高齊陸路分水陸進攻追成功至海澄啓智以清師至自繳關防下兵

以文武官八十六員兵一千七百名降於清 三月丁卯禁沿海接濟鄭成功糧

米 八月成功由島出師至台州分巡道蔡瓊枝副將李必及府縣皆降 十五年

年六月成功由島帥師入溫郡取平陽瑞安全浙震動 秋成功由島悉衆攻

金陵鎮江屬邑皆下 十六年十月成功自金陵敗績入島 十七年夏五月將

軍達素總督李率泰率師剿島敗於高崎 九月遷排頭居民暨沿海八十八堡

入內地 按舊志移民在十八年 十八年夏四月成功取臺灣留子經守廈島

康熙元年五月總兵官許龍擒鄭成功弟成賜於廈門 鄭成功卒子自廈入臺

十二月命水師總兵官擁兵駐同安城 二年鄭經回廈門 八月同安伯鄭鳴

駿率所部文武官四百餘員投誠。十月官兵大蒐兩島墟其地而還。二年正月李率泰馬得功統水陸官兵取金厦力戰得功墮水死。七年海澄公黃梧請將同安城守營副將悉歸經制從之。十三年三月耿精忠取同安。五月鄭經據厦門島盡取同安地清萬正色自泉港分三路至圍頭乘勢搗料羅獲勝。十六年二月官兵復同安。鄭經將黃邦漢久踞同安三保谿大將軍康親王傑書遣前鋒參克納侯馬三奇等擊平之。明諸王後朱寅會師灌口福建總督郎廷相擊平之。白巾賊蔡寅屯苧溪橋劫掠各村堡總兵黃藍會剿搗其穴。十七年鄭經仍踞厦門閏三月遷厦門百姓於內地申嚴海禁。四月總督郎廷相請召募舟師規取厦門六月白巾賊蔡寅歸鄭經。七月明武平侯劉國軒取同安副都統雅塔理退守泉州同安惠安興化相繼陷泉州圍急。學士李光地以鄉兵導官兵間道赴援。順寧海賴平南復同安。十月總督姚啟聖遣子姚儀領官軍敗劉國軒兵於同安遣漳州進士張雄至厦門招撫不成。十八年紅巾山賊劫掠北界。諭荷蘭國王具夾板船載勁兵協攻金厦。啟聖及陸路提督楊捷連破十九寨。十九年二月新造烏船成萬正色以舟師取海壇。

考東華錄巡撫吳興祚云

賊鯨雖多不如我新造烏船堅固便捷今鄭錦悉調舟師皆在海壇齊集宜乘風利將銳攻取海壇破賊藩籬則金廈可乘勝而下遂與萬正色決策以水師直攻海壇與祚率標兵赴同安督臣姚可聖提臣楊捷調陸路兵規取廈門定初四日進取海壇提督萬正色統率官軍由定海出發於初六日抵海壇鄭錦乘舟逆戰正色分前鋒兵爲六隊直衝而入親統巨艦繼之又以輕舟繞其左右併力夾十攻礮火齊發擊沉敵船十六艘溺水死者三千餘人餘衆潰舟師遂泊海壇

九年春二月二十三日大兵水陸分進取玉州 巡撫吳興祚同寧海將軍喇哈達由同安進兵至泖洲潯尾發紅衣炮攻擊分兵三路渡廈門 姚啟聖復海澄萬正色累戰皆捷二十八日進廈門城遣官兵進取金門鄭經遁臺灣 二十年二月令金廈照舊展界 二十二年姚啟聖駐廈門六月水師提督施琅帥師東征臺灣克之 六十年夏臺灣奸民朱一貴作亂閩浙總督覺羅滿馳赴廈門督師 六月南澳總兵官藍廷珍統征臺大軍出廈門港 閏六月初七日檻致朱一貴至廈解京伏誅

雍正六年包齊會聚衆格鬪 大姓李陳蘇莊林爲包雜姓爲齊互殺傷總督高其倬委弁將就大姓爲首李邦小姓爲首葉祖傳拏究

乾隆五十一年冬十一月臺籍林爽文莊大田作亂提督黃仕簡帥師由廈門渡海剿之弗克 總督李侍堯駐廈門調兵赴援 五十二年冬大將軍福康安統率

員兵由廈門出大擔渡海平之

嘉慶四年八月安南夷艇匪竄大擔入後浦港廈門戒嚴金文武舉巨礮擊退之

七年夏五月洋匪蔡牽夜入大擔門劫巨礮外委陳鳳高死之十年海寇朱瀆

劫料羅洋廈撥兵一百往料羅金龜尾協防 十一年洋匪同安人蔡牽漳人朱

瀆作亂李長庚請造同安梭船六十號緝捕 海壇金門二鎮捐造梭船十五號

三月閩浙總督王德駐廈門督剿洋匪九月汀州總鎮兵官李應貴擊朱瀆

於大擔洋中礮死十三年冬金門總兵許松年礮斃朱瀆於長汕尾洋

道光二年嚴禁夾帶鴉片煙入口中英戰端始此三年查禁海口洋船夾帶鴉片煙 十一

月申定擄人勒贖例 六年臺匪李通糾衆焚搶金門鎮總兵官陳化成渡臺防

堵 總督孫爾準駐廈門接濟糧火李通就擒 九年番舶裝載鴉片煙至廈門

嚴禁流行內地二十一年五月禁廈門口不得設大窯口東華錄云夷船來廈

并有夷目兵船名曰護貨同泊一處勾通土匪以開設錢店為名暗中售煙呼為

大窯口分銷內地與奸民串同各衙門兵役罷設私局名小窯口城鎮所在皆有

此項煙土每年紋銀出洋不下數百萬是以內地之財易外洋害人之物其流毒

無窮竭財亦無盡應即嚴行查禁令各夷於貨船外不得另設蠶船以淨根株

二十二年禁廈門口不得販賣鴉片 五月裁水陸各營 十月廈門興泉永道據

報臺灣府被匪焚劫水師提督陳化成馳往查辦臬司鳳來駐廈門接濟總督程祖洛到廈會同提督劉廷斌剿辦催調福寧邵武汀州等營到廈後隨即渡臺

十三年五月總兵竇振彪兵備道周凱同安參將雙喜會剿治海匪鄉 十四年

十月驅逐洋面薑船申禁匪徒勾結販賣鴉片 內港土匪劫渡船馬巷通判護

理提標後營游擊吳建勳會剿山后亭柏頭各匪鄉 十五年英吉利船駛入洋

面福建督撫嚴飭沿海文武員弁巡防堵截嚴禁內地奸民交易接濟 十七年

夏以閩浙海口歲出銀以千萬計總督鄧廷楨嚴飭廈門海關監督稽查截擄律

辦 十八年閩浙總督鍾祥嚴飭廈門口查緝鴉片查辦官兵百姓與販吸食

十一月嚴緝廈門停泊番船煙土 十九年禁沿海奸徒開設窯口囤積鴉片首

犯斬梟同謀接引護送概受僱船戶絞監候沿海員弁兵丁受賄故縱絞立決知

情徇縱發往新疆官弁苦差兵丁爲奴得財賣放與犯同罪禁卒將鴉片私售發

極邊煙瘴充軍存煙炭杖一百賣烟具者按賣賭具治罪 十二月查辦廈門水

師員弁包庇販運煙土 二十年六月洋船到閩洋圖銷鴉片總督飭沿海員弁

分路攻擊洋人落水無算生擒二人截漢奸船人煙俱獲 七月英兵船駛進廈

港開礮擊我礮臺守備陳光福擊退之護參將陳勝元執矛刺死一人哨船弁兵發礮中傷甚多總督鄧廷楨嚴密防堵廈門 八月英兵船二隻至廈門青嶼向

水操臺開礮提督陳潛平督同副將靈德游擊謝國標追擊之碎其杉板逼進嶼

仔尾小港開礮擊中洋人五名船遠遁按金門志謂夾板船至青嶼三十四艘東華錄云二隻必有誤 二十一年

七月英兵船闖進青嶼總督顏伯燾督戰不利廈門失守退保同安吳文鎔調

精兵赴援英船闖進內港至汭洲以水淺急退金門鎮總兵官江繼芸陣亡 二

十二年與英吉利訂通商條約開廈門爲商埠鼓浪嶼英船暫住俟開關退出

二十九年著名海盜陳雙喜率領首夥百餘人來廈投誠總督劉韻珂派員將其

船隻礮械收納之

咸豐元年廈門人陳馨同安人王泉作亂漳泉道途梗塞閩浙總督密飭查辦 三

月總督裕祿獲會匪五人提省審辦 七月實行保甲 三年會匪黃露業蔡懋

昭攻同安廈門城陷知縣李湘洲出走廈門守備鄭振纓死之 四月軍功吳鴻

源隨廈門水師提督施得高在東頭埔潯尾截擊擒黃晚等十九名 六月吳鴻

源救援金門擒逆首林沙等八名 十一月提督施得高李廷鈺督率護金門鎮

總兵孫鼎鰲副將呂大陸等以陸路分道圍城以水師嚴扼海口夾擊於十一日克復廈門全島 十五日千總吳鴻源帶勇船直搗石兜逆巢由壺嶼押小刀會首黃得美黃尤著黃光場等送鹽法瑞道訊辦 四年五月守備吳鴻源在劉五店擒獲會匪林井九名送廈防廳訊辦

同治三年冬十月李侍賢陷漳州總督徐宗幹調泉厦官兵六千人分防辛卯催陸路提督林文察由同安進兵曾玉明赴厦門統帶水師會同陸軍黃少春劉典相機兜剿進剿漳州副將惠營陷林文察退保玉州中搶亡 十一月戊午高連陞軍航海來閩由同安進攻漳州黃少春由興化進兵與高連陞合卽由安溪至漳屬之長泰前進 十二月戊辰泉厦告急高連陞率所部急趨同安以保泉厦李侍賢由漳好景山包抄萬松關瑞香亭曾玉鳴仍在三漾阿駐守高連陞由同安赴漳戊子官軍分東路東北路進攻左宗棠在泉州後路嚴密布道李成謀以得力水師赴厦 四年正月黃少春由同安馳抵江東橋敗李侍賢汪海洋軍進紮漳州之北溪 二月李侍賢勾結洋人惹隔孫接濟軍火札厦領事官電禁李侍賢窺伺泉厦李鴻章派郭松林洋槍隊航海至厦相機進剿仍歸左宗棠調遣李

鴻章以郭松林援閩軍照蘇省餉章由上海廈門設局解運辛巳 英桂徐宗幹以同安安溪僻境慮伏莽襲官軍後路飭道員張啟煌知府程榮春會同泉州郡文武悉心籌禦 調衢州總兵官劉清亮由省帶所部趨泉州同安以固黃少春高連陞後路癸巳劉清亮率所部由同安徑趨石碼以保漳東南路派郭松林軍嚴扼廈門口丙午催郭松林由廈門進兵以截其窺伺海濱之路派郭松林楊鼎勳由廈門赴海澄進取漳浦 夏四月李侍賢軍由漳浦趨重漳州調郭松林楊鼎勳分札海澄鎮門及廈門與高連陞聯絡以斷賊竄入海道郭松林楊鼎勳軍由廈門進攻漳南大獲勝仗 李侍賢勾結同安土匪內訌起事郭松林軍將各鄉匪巢擊平之灣泊海面匪船百餘隻候選知府葉文瀾焚燬之 五年三月禁齋匪 十一月移福建水師後營游擊駐馬巷鎗五店撥千把總各一外委額外各二戰守兵二百四十名 十二年五月廈門口建新礮臺安放巨礮 十三年春三月日本兵船以借地操兵泊廈門法國兵輪亦抵厦沈葆楨李鶴年嚴密備禦 日本孟春船在廈門測水直至中歧文煌李鶴年派得力員統兵駐厦

光緒十年法逆犯臺灣福州廈門告警提督吳鴻源由厦辦團旋奉旨領漳泉勁勇

援臺二十七年八月日本兵船到厦駕大炮於虎頭山英美德各領事制止兵輪乃退

宣統二年灌口莊又南莊育才組織革命軍 三年九月革命軍起與湖北響應

張海珊設司令部於厦門 福州總督松壽自縊 十月陽翟人陳延香灌口人

陳少瀛奉命赴同安於縣署及五城門皆建民軍國旗知縣陳文緯從命并向民軍宣誓秩序如常商民安堵邑之變國體自此始 十一月改陽歷

民國元年省令縣設禁煙局厲行禁煙 裁灌口巡檢 改捕廳爲管獄員馬巷廳

爲縣佐

劃嘉禾里爲思明縣

以下就陳延香胡克從訪稿合參

四年六月巡撫使許世英巡視閩南劃本邑翔風浯里爲金門縣 五年一月七

日知事柏麟書奉省電以本年改爲中華帝國洪憲元年 四月奉電廢止洪憲

年號復爲民國五年 六月一日民軍莊育才宣言反對帝制與教練官潘節文

帥師攻城北軍禦之莊潘陣亡 六年十月縣知事鈕承藩乘地方不靖勒縱鄉

村種煙邑之煙禁復開始此 七年七月廿九日靖國軍司令楊持平率兵圍城

與駐城北軍相持月餘城中民居遷徙一空時天降霖雨大水至北軍由城上射

火焚燒舖戶水火同時爲患商民無論男女紛紛逃難計百餘年來未有若此次之奇慘者九月五日靖國軍圍急知事鈕承藩先期強勒義倉公款七千元帶印棄城赴厦挾貲逃於上海 閩粵兩軍大戰於大小西山粵師長許崇智從蓮花山衝至鳳崗寶鎮山閩軍旅長周永桂紮祥露頂杜橋烏塗諸鄉 十一日粵軍退駐打石山一帶連日鏖戰 十六日粵軍退駐灌口 二十日守江東橋紮漳州閩軍守角尾大兵經過之地多焚燬掠劫鄉民逃亡 廿八日厦門北營長張樹城帶兵由集美進城楊持平軍退駐安溪北軍入城四日突焚西橋尾商舖張樹城焚梵天寺執住持僧銃斃以斃匪一人具報 十三年甲子三月楊化昭軍自泉州來駐南門外頂溪頭臧致平軍自厦移駐西門外之瑤江與楊化昭合省軍周蔭人率大軍由泉州到馬巷初七日大戰於同山七晝夜楊臧以子彈盡引兵退是役也人民被劫掠至一百五十餘鄉

附小刀會匪紀略

其邑之有小刀會匪由錦宅人黃得美始也初海澄縣民江源與

同類結爲小刀會其脅力絕人者倍其刀故又名雙刀會黃得美有田在龍溪茂洲爲佃戶抗越境控追官不爲直乃約族叔黃位入會以凌佃由是江黨漸盛事聞於海澄令汪世清捕江源江發置諸法得美誓爲復仇乘世清赴隣封遂謀作亂咸豐三年四月初六夜率黨破海澄初十日破漳州兵備道兼攝知府事文